

Nā Nīnau Ho‘ono‘ono‘o

He mau nīnau ho‘owala‘au a hō‘eu i ka hana pili i nā wikiō Kumukahi



Kumuhana: ‘ŌIWI (1)

Māhele: Ka Hikina

Hoa hele: Keola Akana

Kama‘āina: Kainani Kahaunaele

Paena: http://www.kumukahi.org/units/ka_hikina/oiwi

Nā nīnau kiko‘ī

1. He aha ka mana‘o o ka hua‘ōlelo ‘o ‘ōiwi?
2. He mea nui ka iwi i ka po‘e Hawai‘i. No ke aha?
3. ‘O ke kulaiwi kahi o nā iwi o kou mau kūpuna. Aia i hea kou kulaiwi? He mau kulaiwi paha kou?
4. No ke aha i pili ai ka mana i ka iwi ma kahi o ka ‘i‘o a koko paha?
5. He aha kou mana‘o: he mea nui ka ho‘opa‘a i ka mo‘okū‘auhau? He mea nui nō paha ka maopopo i kahi o kou ‘āina ‘ōiwi? No ke aha?
6. E noi i kekahi kanaka makua o kou ‘ohana i ka lawe iā ‘oe i kahi e waiho nei nā iwi o kou mau kūpuna. Ma hope o ia kipa ‘ana, e palapala i kou mau mana‘o ma ka puke mo‘omana‘o a kamepiula paha.

Nā nīnau laulā

- He aha nā ha‘awina o kēia wikiō e pili ana i ka ‘ike Hawai‘i a me kona mau pono no kēia au e ne‘e nei?
- Pehea e pili ai ia wikiō i kekahi mau hi‘ohi‘ona o ka mo‘omeheu Hawai‘i āu i a‘o ai a i ‘ike ai paha?
- Pehea kākou e ho‘omau ai i kēia mau hana ku‘una Hawai‘i i kēia mua aku?